



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CLXXIX. Ioannis Papae VIII. Ad Vibbodv Episcopvm. Vt apud Carolomannum, vel Carolum eius fratrem de ecclesia Dei a Paganorum infestationib[u]s defendenda agat: & si archicapellanus Caroli ...

urn:nbn:de:hbz:466:1-15967

EPISTOLA CLXXIX.

IOANNIS PAPÆ VIII.

AD VVIBBODVM EPISCOPVM.

Vt apud Carolomannum, vel Carolum eius fratrem de ecclesia Dei a Paganorum infestationibns defendenda agat: & si archicapellanus Caroli Romam venerit, ipse quoque veniat; sin minus, eorum regum voluntatem sibi literis aperiat.

Reuerendissimo Vvibbodo episcopo, & dilecto consiliario nostro.

CVM assidue vos quasi carissimum filium in nostro cūpiamus habere obsequio, placeret nunc nobis pro instantis temporis multiplicibus causis, vestro sagaci consilio frui: sed quia industriam vestram ea quæ ad honorem sanctæ Dei ecclesiæ, ac nostrum pertinent, semper ubique agere fideli deuotione velle, procul dubio credimus, nunc ad nostram apostolicam venire præsentiam non grauamus. Quapropter vestræ innotescimus dilectioni, quoniam assidua & supra modum graui Paganorum infestatione grauati, cuiuslibet regis iam cupissemus habere solatum. Vnde si Carolomannum posse incunctanter agnoscitis, apud illum; sin autem, apud germanum & æquiucum eius, Carolum videlicet gloriosum regem, causas & utilitates sanctæ sedis apostolicæ prudenti dumtaxat consilio agere: & , Deo auxiliante, ad perfectum deducere fatigatis; quatenus pristinum eius honorem, atque vigorem ipsius, regia maiestas, more videlicet parentum suorum, conseruet in omnibus. Præterea si talis archicapellanus iam fati Caroli regis, sicut nobis mandatis, venerit, ad nostraque apostolica vestigia missus properare quæsierit, volumus vt cum eo ad nos pariter veniatis; vt commun tractatu, quid pro ecclesiæ Dei exaltatione agendum sit, pariter consideremus. Sin autem ipse Romam non venerit, eo diligenter inquisito, causas & voluntates, atque deuotiones vel Carolomanni, vel ipsius germani iam dicti regis, nobis literis vestris sub omni certitudine præsentialiter innotescatis, vt quid prospere agendum sit, luce clarius

agnoscamus. Huius quoque textum epistolæ , vt nullus agnoscat , cum legeritis statim igne comburite. Data vt supra.

EPISTOLA CLXXX.

IOANNIS PAPÆ VIII.

Scribit se tacitum tenere quod secreto ex ipso audierat , dō auxiliū , quod promiserat , ab eo omnino expectare : prætereā se bene valere.

SECRETVM, quod , Deo auxiliante , vobiscum Trecis existentes habuimus , immutilatum , ac fixum nostro apostolico pectori , quasi quoddam thesauro reconditum , procul dubio retinemus , & totis , vita comite , nisibus illud , quantum in nobis est , alacriter optamus perficere. Quapropter , si excellentiæ vestræ libet , iam hoc ipsum ad effectum debetis perducere. Quia iuxta sanctum Apostolum admonentem : *Ecce nunc tempus acceptabile , ecce nunc dies salutis : quibus , fauente Domino , vestra potestis efficaciter desideria explere.* Nos enim sponctionem vestram nimium præstolantes , sed usque adhuc minime contemplantes , tristes existimus , eo quod assiduas & supra modum graues Paganorum infestationes omnimodis patiamur : & idcirco pro instanti necessitate alio dirigere , auxiliumque opportunum prætermisimus quærire. Vnde , si placet agere , quod agendum est agite ; sin autem , nobis remandare sine mora satagite. Quia vero de salute nostra solliciti gaudetis , vestræ innotescimus magnitudini quia & prosperum , Christo duce , reuertendo iter habuimus , & nunc corporea sanitate bene valemus. Data vt supra.